

և այս կանոն կատարի...», *Զատիկի ուրբեկին*. «...
ի նմին առուր կիւրակէին ելանեն ի լեառն Ձիթենեաց
ի տասներորդ ժամուն և անդ սաղմոսեալ վայր մի
իջանեն սաղմոսիւք ի Ս. Յարութիւն. . .», *Հոգեգա-
ղուս*. «... ի նմին առուր կիւրակէին ի տասներորդ
ժամուն ժողովին ի սուրբ լեառն Ձիթենեաց ի բլրին
և այս կանոն կատարի» (Հ. Վ. Ե. էջ 147):

Պաղեստինի մէջ, Համբարձման օրը, Աւագ շա-
բաթուան նման սքանչելիք մը տեղի կ'ունենար: Շա-
տերը այս տօնը կը նկատեն եկեղեցիին հնագոյն օտ-
ներէն մին: Ը. դարուն ապրող պատկառելի Բէգին
կարծիքը գոնէ այս էր: Ան իր Ս. Տեղեաց գրուածքին
մէջ կ'ապահովցնէ թէ եօթը հարիւր տարիներէ ի վեր
տեղի կ'ունենար այդ հրաշքը նոյն օրը՝ այն տեղն
իսկ ուր Յիսուս հրաշալի կերպով համբարձաւ յեր-
կինս: Պատարագը գեռ չաւարտած՝ կը տեսնուէր մեծ
լոյս մը որ կ'իջնէր եւ գիշերը կը լուսաւորէր բազ-
մաթիւ վառ լոյսերը, այնպէս որ լեռն լոյսերու մէջ
կ'ողողէր (E. F. B. էջ 41-2):

8. Քրիստոսի Համբարձման ժամանակ արեւին ելքը
եւ եջքը բւս աւանդութեան. — Յակօբ Սրճեցի եպիս-
կոպոսին «ի Համբարձումն Տեառն» ճառին մէջ կը կար-
գանք. «բարձրացաւ արեգակն և եկաց ի վերայ աս-
տիճանի վերացելոյ, եւ գտարածեալ ստուերս կար-
ճեաց, և փախոյց զնոսա: էջ ի Տբէթ(*) ամիս՝ յորում
իջանէ արեգակն ի խոնարհ աստիճանս: Համբարձաւ ի
Սիւան(**) եւ զխաւարն հեղձոյց ծագմամբ իւրով:

(*) Ժ.րդ ամիս Հրէից (Յունվար):

(**) Գ.րդ ամիս Հրէից (Յունիս):